



Kialaarfik B 560

QAQORTOQ

| December | 2024

Ini kialaarfik sulliviullu nassuiaatigineqarneri

Ini kialaarfiup siunertaa tassaavoq:

- Pisariaqartitat pingaarnersaat tunniussinnaaneri, soorlu nerisaqarneq, uffarneq, qasuserneq, qanilaarneq, sulisunik atuisunillu allanik periarfissaqanngitsunik oqaloqateqarneq
- Piginnaasat nalinginnaasut pillugit siunnersuineq aqutissiuinerlu
- Pisortani sulissivinnut aqutissiuisarneq: Aamma sullissisut orniguttartut (psykologit, inunnik isumaginninnikkut siunnersortit il. il.)
- Atoqqitassanik iluarsartuussinernik suliaqarneq
- Nammineq kajumissutsikkut suliaqarneq orniginarsarlugu sulisut suliaqarfimmi ilinniarluarsimasut aqutsisuullutik (atuisut isaanni pitsaassusilimmik)
- Angerlarsimaffeqanngitsut sanngiitsut eqqissisimaarfigisinnaasaannik peqarneq
- Atornerluisuunermut katsorsaaviit suleqatigalugit
- Inoqasersornerit sammisassallu neqeroortigalugit, soorlu umiatsiamik angalaarnerit
- Ornigulluni sulisarneq ammasumillu siunnersuinerit ingerlattarlugit

Sumiiffik iluarsartuussiffimmik ilalernissaa eqqarsaataavoq, sammisassaqartitsiviusinnaalluni soorlu iluarsartuussinerit atoqqitassanillu tuniniaavik.

Sumiiffik ikiugasuarterfittuinaq isigineqarani, kisianni aamma isumalimmik suliniuteqarfiusinnaasoq takorluugaavoq. Suliniut suliaqartumit isumaqarluartoq, kisianni aamma illoqarfigisamat isumalik. Suliniut ajunngitsumik sunniuteqartoq, sulianilu peqataasunit tulluusimaarutaasinnaasoq.

Suliaq angerlarsimaffeqanngitsunut, kiserliortunut atornerluisunullu pinaveersaartitsillunilu akiuisinnaasorujussuuvoq. Taamaammat aamma kommunip suliniuteqarfigniakkanut tunniussarisinnaasaanut atassuteqassaaq. Sullissisut allat inimut kialaarfimmuut attuumassuteqarsinnaasut aamma tassaapput:

- Kommunimi sullissisut tamarmik
- Majoriaq
- Peqqinnissaqarfiit kigutileriffiillu
- INI a/s
- Politi
- Najukkami suliffeqarfiit
- Allorfik
- Ilinniarfeqarfiit
- Qaqortumi Sulisartut Højskoliat/Narsami Inuili

Sumiiffiup suliffeqarfiillu allat attaveqqaatigiinnerat inuit ataasiakkaat eqqarsaatigalugit kialaarfimiit taamaallaat pisassaaq, innuttaasullu piunappagu aatsaat pisassalluni, taamaaliornikkut toqqissimanartumik eqqissisimaarfiusinnaassaaq.

Tassa imaappoq, angerlarsimaffeqaratik takkuttut kinaassusertik ersersingilluinnarlugu isersimaarsinnaapput.

Atuisut orniguttut tamarmik ammasumik, qanilaartumik, isumassuilluni ataqinnillunilu tikilluaqquneqartassapput.

Piumasaqaataavoq neqeroorummi sullissisut qaffasissumik ilinniagaqarsimanissaat

Suleqatit attavissaasa takussutissai

Ingerlatsisut	Inimut kialaarfimmut attavik
Kommunimi sullissisut	Sullissisumut attaveqarneq kialaarfimmi sulisut aqqutigalugit pisassaaq, sulisut taamaallaat aqqutigalugit sullissisunik attaveqartoqarsinnaassaaq taavalu taamaallaat innuttaasup akuersineratigut.
Majoriaq	Majoriamut attaveqarneq kialaarfimmi sulisoq aqqutigalugu pisassaaq, taavalu Majoriamiit kommunimi sullissisumut taamaallaat pisluni, pinngitsoorani innuttaasq akuerseqqaassaaq.
Peqqinnissaqarfik kigutileriffiillu	Kialaarfimmi sulisut aqqutigalugit peqqinnissaqarfimmu sianertoqassaaq, sulisut peqqinnissaqarfimmu attaveqassappata innuttaasup akuereqqaassavaa. Pisariaqalertillugu kialaarfiup peqqinnissaqarfimmu attaveqaaqqusisarnissaanik isumaqatigiissut.
INI a/s	INI a/s-imut attaveqarniarnermi innuttaasq attaviginneqquneqartassaaq - kialaarfiup INI a/s attavigisinnaavaa innuttaasq akuersippat.
Politiit	Kialaarfiup pisariaqalersoritillugu politiit attavigissavaat. Politiit pissusissamisut sumiiffik alakkassavaat.
Najukkami suliffeqarfiit	Tapiissutit pillugit isumaqatigiissutit
Allorfik	Innuttaasut Allorfimmi katsorsartinnissamik siunertaqarluni Allorfimmu attaveqartarnissaannik kaammattuinnissamik isumaqatigiissut. Imigassamik atorneerluineri katsorsaanerit pillugit ilisimatitsiviusumik ataatsimiittarnissamik isumaqatigiissut.
Ilinniarfeqarfiit	Innuttaasunut piukkunnartunut ilinniagaqalernissamik siunnersuinissamut isumaqatigiissut - Siullertut Majoriami ilinniagaqalernissamut aqqutissiuisoq attavigineqassaaq.
Qaqortumi Sulisartut Højskolia	Innuttaasut højskolernissamut piukkunnartut siunnersorneqarnissaannik inneruussusinnissamik isumaqatigiissut. Sulisartut Højskoliaanneersut ornigullutik saqqummiiartorsinnaapput.
Narsami Inuili	Nerisassanik aggiussilluni tunisisarnissamik isumaqatigiissut. Ilinniarnissamik piukkunnaatillit ilinniarnissamut siunnersortinnissamik inneruussusinnissamut isumaqatigiissut.

Sullitassat: Innuttaasut inersimasut sanngiitsut ilungersunartumillu inissisimasut soorlu timikkut tarnikkullu napparsimasut, angerlarsimaffeqanngitsut, kiserliortut, atorneerluisut.

Ini kialaarfiup nassuiaatiginera:

Ini kialaarfik innuttaasunut sanngiinnerusunut pisariaqartitsisunullu matu ammasuuvooq, tassani pisariaqartitat nalinginnaanerpaat tunniunneqarsinnaallutik. Kialaarfip isersimaartarfiani issiaartoqarsinnaavoq kissartunillu nerisqarluni, oqaloqateqarnissamik pisariaqartitsinermi ilinniarsimasumik oqaloqateqartoqarsinnaavoq oqartussanik peqataasoqanngikkaluarluni. Sulisut innuttaasunik oqaloqateqarnissaminnik tusarnaarnissaminnillu ilinniakkaminnit tunuliaqutaqarput, siunnersuisinnaallutillu aqutissiuisinnaallutik, ajornartorsiorfimmilu oqartussanut peqqinnissaqarfimmulluunniit attaveqarnissamik ikiuisinnaallutik. Kialaarfimmi atuisunik allanik peqateqarnissaq aamma periarfissaavoq, peqatigiinnikkut kiserliorneq annikillarsinnaavoq, amerlasuutigut kiserliortut angerlarsimaffimminni mattullutik innuttaasut pisartut takussaasarmata. Kialaarfimmi assigiinngitsunik sammisassaqarpoq, nallukattat pinnguaatillu atuakkallu.

Sulisut kialaarfimmi atuisunut ammasuussapput naliginillutillu. Innuttaasut inuiaqatigiit akornanni ilungersorlutik inuupput - sanngiitsuupput inooqataanikkut, tarnikkut aningaasatigullu ajornartorsiutillit. Atornerluisuuneq, piitsuuneq, kiserliorneq il. il. Atuisut ajornartorsiutaat pisariaqartitaallu sulisut eqqummaarfigissavaat. Atuisunut ataasiakkaanut orniguttartunut isumassuinnissaq, qanilaarnissaq ataqqinninnissarlu suliassaq pingaarnerpaavoq.

Kialaarfimmi init qaamasut orniginartullu tassaapput igaffik, nerisarfik, isersimaartarfik, sullivik, perusersartarfik uffarfillu. Ullut tamaasa ulluunerani nal. 9-14 aamma unnukkat nal. 17-20 ammasassaag.

Igaffimmi kissartunik nerisassioqarsinnaavoq. Ulluunerani unnukkullu nerinissaq periarfissaasassaag. Nerisassat akeqanngitsut innersuunneqarsimasunut taamaallaat atuupput. Nerisassat tamakkiisumik akeqannginnissaat suli aalajanginngilarput.

Nerisarfik, igaffimmut atasoq inunnut 20-t missaannut naammattunut nerriveqarlunilu issiaveqassaaq.

Istersimaartarfik nalaasaarfeqassaaq, issiaviit issiaartarfiilluunniit, nerrivik pinnguaatersorfiusinnaasoq, nerriveqqat marluk, teqeqqumi ataatsimi assassorfik, soorlu nuersaasarfik/nissiaasarfik, immaqalu aamma arlaannik sammisassaqarfik soorlu qalipaaneq, sapangaaralerineq, atuagaqarsinnaavoq quppersagaqqallu il. il.

Atuisut isersimaartarfiup nuannersarnissaanut peqataasinnaapput. Taamaasilluni kialaarfik atuisut sumiiffimmut atasutut misigilissapput.

Perusersartarfik uffarfillu immikkoortoq taamaasilluni kissartumik uffartoqarsinnaasassaag, immaqalu piumasarineqarpat atisassanik tunniussaasimasunik tunisisoqarsinnaassalluni. Atisat errortariallit errorneqarlutillu panererneqassapput, sumiiffimmi errorsiveqarlunilu kiassaateqassammat.

Sullifik nerriveqassaaq sulliviusinaasut sakkooqarlunilu, taamaasilluni suut iluarsagassat iluarsartuunneqarsinnaassallutik. Atortut igiinnarneqartussaagaluit iluarsartuunneqarsinnaapput ilaqutariinnilu atorluarneqarsinnaalissallutik. Iluarsartuussinerit assigiinngitsorpasuisinnaapput. Tassaasinnaapput pequtit, sikkilit, atortut sarfatortut soorlu errorsiviit. Sakkut ataatsimoortuussapput assigiinngitsunik iluarsartuussisoqarsinnaanniassammat. Ini sullivik immikkut isertarfeqassaaq, assigiinngitsunik assartuiviusinnaanniassammat. Sullivik nakkutigineqartuaannartuussaaq matoqqasassallunilu sulisoq peqanngikkaangat.